

周易口訣義

				八	漢
			二	一	書
			一	四	門
			六	六	
四	二	一	六	類	
冊	架	函	號		

庫	文	閣	內
二	八		漢
七	一		書
三	四		門
冊	六		
架	號		

內閣文庫			
番號	漢	8146	
冊數		4	(4)
函號		273	50







周易口訣義卷六

唐

史

徵

撰

下經節

歸妹  
中孚

豐  
小過  
旅

既濟

兌  
未濟  
渙

三  
艮  
上

漸女歸吉利貞

象曰漸之進也女歸吉也進得位往有功也進以正可

以正邦也其位剛得中也止而巽動不窮也

象曰山上有木漸君子以居賢德善俗





初六鴻漸于干小子厲有言无咎

象曰小子之厲義无咎也

六二鴻漸于陸飲食行吉

象曰飲食行不素飽也

九三鴻漸于陸夫征不復婦孕不育凶利禦寇

象曰夫征不復離群醜也婦孕不育失其道也利用禦

寇順相保也

六四鴻漸于木或得其桷无咎

象曰或得其桷順以異也

九五鴻漸于陸婦三歲不孕終莫之勝吉

象曰終莫之勝吉得所願也

上九鴻漸于陸其羽可用為儀吉

象曰其羽可用為儀吉不可亂也

漸女歸吉利負者漸者徐進之名歸嫁也女子生有  
外成之義以夫為家故嫁為歸也女子之嫁備禮乃  
行吉而善矣故曰女歸吉也漸進禮全嫁娶之正故



木

曰利貞也象曰山上有木漸者山上生水漸、進長  
因山而高非是忽然而起故曰漸之進也君子以居  
賢德善俗者君子求人須求賢德使其居位施發教  
令善誘風俗也侯果云賢者德成之名德是資賢之  
寔也初六鴻漸于干小子厲有言无咎者鴻是水鳥  
以况從下至高漸進之義干水涯也鴻之進至于水  
涯故曰鴻漸于干也進未得位必被陵辱乃困于小  
子危于謗言故曰小子厲有言也雖困于小人之言

而但懷道德安能損于君子之道故曰无咎也干亦  
喻水上非安之所更以无寔也六二鴻漸于磐飲食  
衎衎吉者磐者山中磐石也以柔處中進而得位猶  
鴻鳥栖于磐石得可安之地故曰鴻漸于磐既得可  
安之地居中有應吉福至焉故飲食豐飽不素飽而  
已故曰衎衎吉也衎衎是喜樂之貌也九三鴻漸于  
陸夫征不復婦孕不育凶利禦寇者陸是山頂高平  
之處也九三處下卦之上如山之頂如鴻升進至于



山頂故曰鴻漸于陸也三之六二同處一體其猶夫  
婦一體之義今九三務進不肯却回即是夫之征進  
不肯反家故曰夫征不復也九三前進六四相得貪  
務邪偶即婦亦不能守貞非夫而孕故不能育故曰  
婦孕不育也見利忘義貪進忘舊凶之道矣六四相  
得邪偶相與恐人為難以為間阻故利用防禦寇害  
順相保也六四鴻漸于木或得其桷元咎者桷椽桷  
也以柔得位如鴻栖于平直之枝椽桷之用是可

栖息之處故曰鴻漸于木或得其桷六三相得心无  
憂慮雖柔剛相合固无咎也九五鴻漸于陵婦三歲  
不孕終莫之勝吉陸績云陸陵俱是高处然陵卑于  
陸也九五進處尊位如鴻進高以止于陵故曰鴻漸  
于陵也正應在二隔于三四不得與應相交是兩背  
動慕阻隔不通故曰三歲不孕也二與三各懷中正  
九五是君三四是臣以臣欺君勢不可勝三歲已來  
道成事濟久塞其路不得勝于君五二各得其願故



曰終莫之勝吉也上九鴻漸于陸其羽可用為儀吉  
者三之與上皆處山頂並稱陸也然上九最居卦上  
是能為超勝進處高潔不果名位德高之人无物屈  
心不乱其志故其羽翼清虛可為世之儀表裁之清  
奇可貴可則故曰其羽可用為儀吉也

三三 兌下  
震上

歸妹征凶无攸利

彖曰歸妹天地之大義也天地不交而萬物不與歸妹

人之終始也說以動所歸妹也征凶位不當也无攸利  
柔乘剛也

象曰澤上有雷歸妹君子以永終知敝

初九歸妹以娣跛能履征吉

象曰歸妹以娣以恒也跛能履吉相承也

九二眇能視利幽人之貞

象曰利幽人之貞未變常也

六三歸妹以須反歸以娣



象曰歸妹以須未當也

九四歸妹愆期遲歸有時

象曰愆明之志有待而行也

六五帝乙歸妹其君之袂不如其娣之袂良月幾望吉  
象曰帝乙歸妹不如其娣之袂良也其位在中以貴行也

上六女承筐无寔士刲羊无血无攸利

象曰上六无寔承虛筐也

歸妹者女子以嫁為歸。妹即是從娣而嫁故曰歸  
妹也然古者諸侯一娶九女姪娣從之度翻去九女  
者貴具男女繼嗣宗享不絕也征凶无攸利者征謂  
進而求寵也妹從娣而行固宜早退敬事女后若妾  
求進寵希謂並后即有並后之亂凶禍斯至而无利  
故曰征凶无攸利也象曰澤上有雷歸妹者澤上有  
雷悅而有動歸妹之象也君子以永終知敝者諸儒  
于此各以意見互說不同不可隨波而流彌增惑亂



今則取師說為義也所以一娶九女者貴其蕃育繼  
嗣宗享不絕則是永長延祚保後之終若九女无子  
即絕其後嗣即有不終之歎蓋為正經云天地之大  
義人倫之終始矣初九歸妹以娣跛能履征吉者以  
女謂之婦也以免適害以幼從長非其匹配是從娣  
而行故歸妹以娣也雖不失其道然幼從長譬之跛  
足之人足雖蹇跛不妨履踐故曰跛能履妹從娣行  
不可僭進為嫡即凶為娣即吉故曰征吉也九二眇

娣

能視利幽人之貞者位雖不正而居內處中守貞卑  
禮不為妾進猶如眇目之人不妨所視故曰眇能視  
也居內守中不失常道是居幽而不虧其正故曰利  
幽人之貞也六三歸妹以須久歸以娣者六三處下  
卦之上位又不正即是僭進求為室主室主猶存進  
不值時故宜待時故曰歸妹以須也既不值時固當  
久歸且為娣從俟時而進故曰久歸以娣也九四歸  
妹愆期遲歸有時者以陽居陰位不正也下又无應



以不正无應而行是為妄進故須懲過于期若有所  
適候彼道窮盡得時而行然後可往故逢歸有時也  
六五帝乙歸妹其君之袂不如其娣之袂良月幾望  
吉者居得尊位應在九二是帝王嫁妹以降于二故  
曰帝乙歸妹袂者衣袖為禮容帝王嫁妹則以衣裳  
為崇飾也其君即五也應在九二以震適兌以長從  
知即是降尊就卑不如以早就尊合于常道故曰君  
之袂不如其娣之袂良月陰之盛猶如月迫望可以

敵日以貴而行以勅適配徃亦必合故月幾望吉幾  
迫也陰盛為位在于中以貴而行也上六女承筐无  
寔士刲羊无血无攸利者女子之行以承順為德士  
之為道以下之應命為美今上六居卦之上而无承  
應其猶女子承捧虛筐空无所有筐本盛幣帛今既  
空虚即上无所奉故曰女承筐无寔也下既无應人  
不奉命譬之刲刺其羊而无血矣羊本有血今既无  
血即是教令不行故曰士刲羊无血進退莫矣故曰



无攸利羊謂六三也

三三 離下 震上

豐亨王假之勿憂宜日中

象曰豐大也明以動故豐王假之尚大也勿憂宜日中  
宜照天下也日中則昃月盈則食天地盈虛其消息  
而況于人乎况于鬼神乎

象曰雷電皆至豐君子以折獄致刑

初九遇其配主雖旬无咎往有尚

象曰雖旬无咎過旬災也

六二豐其蔀日中見斗往得疑疾有孚發若吉

象曰有孚發若信以發志也

九三豐其沛日中見沫抗其左肱无咎

象曰豐其沛不可大事也折其左肱終不可用也

九四豐其蔀日中見斗遇其夷主吉

象曰豐其蔀位不當也日中見斗幽不明也遇其夷主

吉行也



六五來章有慶譽吉

象曰六五之吉有慶也

上六豐其屋節其家闕其戶闕其無人三歲不覿凶

象曰豐其屋天陰翔也闕其戶闕其無人自藏也

豐亨者豐是知大之名饒蓋為義財德盛大故謂之

豐財多能濟于象德大无所不通故曰豐亨也王假

之者假至也王能至于豐大之德无所不周也勿憂

宜日中者勿无也德能廣大无所不通如日之中盛

明照臨萬國德備如此无復憂慮為天下主須令微

細隱滯者獲通豐亨勿憂之德故宜日中也象曰雷

電皆至豐者雷天威也電光輝也威光並至所以豐

大也君子以折獄致刑者折斷也致至也君子法天

而行故折斷獄訟須察虛實至于刑罰不濫及无辜

也文明以動不失情理也初九遇其配主雖旬无咎

往有尚者以陽應陽旬為均平也豐大之世文明以

動所貴光大以合時宜今初九與四俱陽爻兩體均



平安得有咎故曰遇其配主雖旬无咎能相光大往  
有嘉尚也六二豐其蔀日中見斗往得疑疾有孚發  
若吉者處豐之時貴于光顯而惡暗昧今六二以陰  
之質應五又陰是重暗之極故曰中盛明乃見斗星  
故曰豐其蔀日中見斗也蔀者曖光明之物也往就  
于四四又暗昧不能啓發其明心生狐疑而不自快  
居字本位則暗疾未除往之與來不免暗疾故曰往  
得疑疾然復中居位處暗不邪但懷忠信不為暗疾

所累而能啓發其志故獲吉矣故曰有孚發若吉也  
九三豐其沛日中見沫折其右肱无咎沛幡幔禦蔽  
光明之物也沫是微暗不明之謂也九三應在上六  
志在乎陰雖免豐蔀見斗愈字以陰處陰而猶豐沛  
見沫是日中盛明而見微沫矣故曰豐其沛日中見  
沫處豐大之時而見物微沫斯則不可施于大事其  
猶人之所用在于左右之肱今右肱既折况復見物  
微沫只可自守而已乃得无咎故曰折其右肱无咎



為施明即見昧施用則折肱矣九四豐其蔀日中見  
斗遇其夷主吉者九四以陽居陰而懷暗昧如日中  
見斗也夷平也應在初九以陽適陽二體均平能相  
踰巽若遇初九夷主所以獲吉故曰遇其夷主吉也  
六五來章有慶譽吉者以陰之質來居陽位是暗而  
求明既居尊位能獲章美慶譽所以吉是光大彰顯  
其德矣上六豐其蔀其家闕其戶闕其無人三歲  
不覲凶者屋者藏陰隱之處上六以陰處外而不居

其位即是幽隱之人絕跡深藏者既是藏隱恐為人  
所見故豐厚其屋而又葺覆其家假使闕覲其戶隱  
翳之深而闕寂不見其人故曰豐其蔀其家闕其  
戶闕其無人也亦是棄其所止外處深藏以高其行  
然處豐大之時即是明君之德光被天下野无遺賢  
固合暗斯明代居位佐時共施政事而反以自隱三  
年者豐道已成而猶不見所以致凶治道未濟隱藏  
猶可治道既濟何為藏身不出失時尚去况復更藏



凶其宜也

三三艮下  
離上

旅小亨旅貞吉

彖曰旅小亨柔得中乎外而順乎剛止而麗乎明是以

小亨旅貞吉也旅之時義大矣哉

象曰山上有火旅君子以明慎用刑而不留獄

初六旅瑣、斯其所取災

象曰旅瑣、志窮災也

五

六二旅即次懷其資得童僕貞

象曰得童僕貞終无尤也

九三旅焚其次喪其童僕貞厲

象曰旅焚其次亦以傷矣以旅失下其義喪也

九四旅于處得其賢資吝我心不快

象曰旅于處未得位也得其資吝心未快也

六五射雉一矢亡終以譽命

象曰終以譽命上逮也



上九鳥焚其巢旅人先笑後號咷喪牛于易凶

象曰以旅在上其義焚也喪牛于易終莫之聞也

旅小亨旅貞吉者旅者客羈旅之禍也旅人觸目而

阻困于途路求客僅存假使濟通所通非大但小亨

而已故旅小亨也羈旅而得小通是旅之正吉故旅

貞吉也象曰山上有火旅者火在小上因風而起逐

草而行勢不久留之象也君子以明慎用刑而不留

獄者旅卦而引斷獄按六十四卦有文明者多稱用

續

刑今旅卦有艮止離明止即審慎用刑明即不濫不枉故聖人之意取其明察止審不妄刑罰盡以人命至重故陽唐為士師曾子誠之曰治獄之道如得其情則哀矜而勿喜死者不可復生斷者不可復續是也初六曰旅瑣瑣斯其所取災者瑣瑣者細小卑賤之貌也處旅之時最居人下是卑賤細小無故旅瑣瑣也身處人下不得所安自所與為災禍自致故曰斯其所取災六二旅即次壞其資得童僕貞首次是



旅居旅人所居之處也六二以柔居中得位承上即  
是旅人得其所安只可居舍而處故曰旅即次也處  
旅行謙不為剛猛但有童僕之正懷來資貨不慮喪  
失故曰懷其資得童僕貞也九三旅焚其次喪其童  
僕貞厲者九三處下卦之上上无應矣初二相得遂  
欲自尊而施惠于下當旅之時不能謙和靜慎而乃  
預萌侵權為君所疑遂被點奪焚其次舍是喪童僕  
之正而身危矣故曰喪其童僕貞厲九四旅于處得

貝資谷我心不快者九四以陽居陰即懷謙之道處  
旅行謙雖不得平坦之處而得用谷之地謂除荆棘  
而治次舍以自居之故曰旅于處得其資谷也寄旅  
求安不得平坦而得荆棘之地即其心不樂故曰我  
心不快也六五射雉一矢亡終以譽命者羈旅之時  
不可以處盛位縱使居之終不可保有喻射雉一矢  
射之不中而失其矢雉雖有而終不可得故曰射雉  
一矢亡也然五居文明之中能審禍福之機不乘剛



切

而專權但棄下而恭急奉上故終美譽而見命也上  
九鳥焚其巢旅人先笑後號咷喪牛于易凶者居高  
危以為宅鳥巢之象旅人最處上位衷心所嫉居嫉  
害之地因被侵奪心致凶塞得高位而先笑也凶禍  
至而後號咷也侵奪而似鳥焚巢牛是稼穡之資喪  
失其牛理在不難衆所同嫉物莫之與危而弗扶无  
人以為聞報无所依託即傷也見矣故于易凶

三三 巽下  
巽上

巽小亨利有攸往利見大人

象曰重巽以申命剛巽乎中正而志行柔皆順乎剛是

以小亨利有攸往利見大人

象曰隨風巽君子以申命行事

初六進退利武人之貞

象曰進退志疑也利武人之貞志治也

九二巽在床下用史巫紛若吉无咎

象曰紛若之吉得中也

周易



九三頻巽吝

象曰頻巽之吝志窮也

六四悔亡田獲三品

象曰田獲三品有功也

庚

九五貞吉悔亡无不利无初有終先庚三日

吉

象曰九五之吉位正中也

上九巽在牀下喪其資斧貞凶

象曰巽在牀下上窮也喪其資斧正乎凶也

巽小亨者巽是卑順之名和入為義政謂之巽也夫

人用巽必須恭儉莊敬進退合宜若過于卑巽踰尊

卑之分敬恭不合禮即所通非大故曰小亨也利有

攸往者巽順以行物不違拒故曰利有攸往也利見

大人者人用巽順即无往不利大人用巽其道愈隆

巽順之美上下皆須之故曰利見大人也象曰隨風

巽者按說卦云巽入也風之所入物无不順風相隨



而行故曰隨風巽也君子以申命行事者風行阜偃  
亦有王者風教行于天下意故君子蒙此申其命令  
行其政教之事也初六進退利武人之貞者出令之  
初人未從化心懷猶豫進退疑申命之初人未信  
服成命齊邦莫適威武以整齊之故曰進退利武人  
之貞也九二巽在牀下用史巫紛若吉无咎者史謂  
視史巫謂巫覡皆是接事鬼神之人九二處巽之中  
在下位而以陽居陽卑巽而順故曰巽在牀下卑謙

道  
過是失于正道咎過生焉然鬼神无形所在怠慢九  
二卑恭如是事神祇而可獲多福故曰用史巫紛若  
吉无咎也紛者感多之貌也九三頻巽各者頻是頻  
感不樂之貌也九三體剛居正為四所乘志意窮屈  
不得舒暢故懷頻感即是鄙吝之道故曰頻巽各六  
四悔亡田獲三品者六四乘九三之剛所以有悔然  
得位承五上奉君命所以悔亡親近至尊即是權臣  
以斯行命必有功勞譬之田獵而獲三品之物故曰



田獲三品也一日乾豆為豆是以奉宗廟二曰賓客  
以助君明目達聰三曰充君之庖厨供君之費也九  
五貞吉悔无不利无初有終先庚三日後庚三日  
吉者五以剛居位違于謙巽故有憂悔能用中正以  
宣命令人不敢違所以悔无而不利也初施命令  
新用剛直人未從化故曰无初以中正之德宣布命  
令人漸從化故曰有終也申命命謂之庚以人迷既  
久不可卒然而理故先甲三日愍愍勸論使其變惡

令

從善令著之後復再申三日人若不從即當誅罰民  
服其罪所以獲吉故曰先庚三日後庚三日吉也上  
九巽在牀下喪其資斧自凶者處巽之極言巽過甚  
似巽于牀下斧者是斬斷之物喻決斷威制今既處  
上固合威斷臨下而乃過于謙即是喪其威斷是正  
道之失故曰喪其資斧貞凶也

三三  
兌上

兌亨利貞



象曰兌說也剛中而柔外說以利貞是以順乎天而應  
乎人說以先民、忘其勞說以犯難民忘其死說之大  
民勸矣哉

象曰麗澤兌君子以朋友講習

初九和兌吉

象曰和兌之吉行未疑也

九二孚兌吉悔亡

象曰來兌之凶位不當也

九四商兌未寧介疾有喜

象曰九四之喜有慶也

九五孚于剝有厲

象曰孚于剝位正當也

上六引兌

象曰上六引兌未光也



兌亨利貞者兌澤能潤悅萬物故謂兌悅也喻人君  
能以兌澤潤于萬人惠流人悅无所不通故曰兌亨  
也以悅相親恐陷邪諂其所利者在貞正故曰利貞  
也象曰麗澤兌者麗猶連也雨澤相連上下俱悅故  
曰麗澤兌也君子以朋友講習者先儒云同處師門  
曰朋共執一志曰友、猶黨也必須友者學說云獨  
學无友即孤陋寡聞謂朋友聚居講解道義修習文  
禮相悅之盛莫盛于此故鄭衆云樂耽于酒則有沈

記

醜之凶志累于樂則有傷性之患所以君子樂之美  
者莫過於尚詩書敦習道義教之盛矣樂在斯焉初  
九和兌吉者處悅之初而无私應與衆和悅天下皆  
親以助而往何所疑乎所以獲吉也九二孚兌吉悔  
亡者以剛處中是懷信實之人悅而親信則吉從之  
故曰孚兌吉失位而處所以有悔志在忠信所以悔  
亡也六三來兌凶者以陰居陽位是來求悅以不正  
之身妄求求悅是佞邪之道所以致凶也九四商兌

妄來



未寧外疾有喜者商謂商量裁制之謂介隔也六三以諂佞之身而迫至尊妄求于罷夫佞邪之人國之患害今九四既是權臣為君委任固宜與君商量裁制介隔邪佞之人內掌祀戒以匡王室經營倫理未遑安寧故曰商兌未寧也介疾是隔邪惡君除害四方安靜宜有喜慶故曰介疾有喜也九五享于剝有屬者剝是小人道長之稱也九五為悅之主固宜中止自安惟賢是任而乃及親上六昵狎小人遂為小

人所害危厲故曰享于剝有厲書曰遠耆德比頑童是為亂風也上六引兌者六以陰最居悅後是自靜退不妄求進必須他人牽引乃從象悅故曰引兌也

三三 坎下 巽上

渙亨王假有廟利涉大川利貞

彖曰渙亨剛來而不窮柔得位乎外而上同王假有廟王乃在中也利涉大川乘木有功也  
象曰風行水上渙先王以享于帝立廟

周易



初六用拯馬壯吉

象曰初六之吉順也

九三漁奔其机悔无

象曰漁奔其机得願也

六三漁其躬无悔

象曰漁其躬志在外也

六四漁其群无吉漁有立匪夷所思

象曰漁其群无吉光大也

九五漁汗其大號漁王居无咎

象曰王居无咎正位也

上九漁其血吝逃无咎

象曰漁其血遠害也

漁亨王假有廟者漁者離散之名緩釋為義然則小

人遭難奔逸逃散方始獲濟大德之人處難之時能

時能二字衍時能建功立德散釋險難以安時人故謂之漁也能

釋險難人皆獲濟所以亨通王能釋難而通天下大



平至于建立宗廟德治人神雖復大川亦可濟涉險  
難既釋宜弘道化利物聚人莫過于正故曰利涉大  
川利貞也象曰風行水上渙者風行水上激揚波濤  
散釋之象先王以亨于帝立廟者先王既釋險難民  
泰時安可以亨獻上帝建立宗廟祭祀祖考告以太  
平也初六用拯馬壯吉者拯拔也初六處難之初垂  
敬未是可以用馬拯拔得其志而遠難、初未至危  
劇相時而行是忙而獲吉也九二渙奔其机悔亡者

机是案机以承物也謂初與二俱无應相得既託于  
初得其所安逃難離散而奔故曰渙奔其机悔亡也  
六三渙其躬无悔者渙之為義內險外安六三有應  
于外不顧所守脫身而出無剛志合故得悔亡故曰  
渙其躬无悔也六四渙其群元吉渙有丘匪夷所思  
者六四既在險外即是已險難之人迫于至尊為君  
委任內主樞密外宣王命而能散群衆之難以安緩  
萬人也而獲其大功所以元吉故渙其群元吉然為



君所任、重憂深難能散衆之難猶疑散難之中恐  
有未平丘墟之險垣壞思慮心未得安故曰渙有丘  
匪夷所思也丘、墟也夷平也九五渙汗其大號渙  
王居无咎者人之驚怖既汗從體流故以訓釋為汗  
也九五處于尊位而能發號施令大散天下之險危  
故曰渙汗其大號也為渙之主能散險難若非王者  
正位則不能然正位不可假人故王后无咎也上九  
渙其血其幽出无咎者血傷害之義幽遠也上九所

居最是險外是不為物之侵傷幽遠而去拔出險外  
故曰渙其血也散患于遠害之地誰能與我為咎也

三三  
兌下  
坎上

節亨苦節不可貞

象曰節亨剛柔分而剛得中苦節不可貞其道窮也說  
以行險當位以節中正以通天地節而四時成節以制  
度不傷財不害民

子  
象曰澤上有水節君不以制數度議德行



初九不出戶庭无咎

象曰不出戶庭知通塞也

九二不出門庭凶

象曰不出門庭凶失時極也

六三不節若則嗟若无咎

象曰不節之嗟又誰咎也

六四安節亨

象曰安節之亨承上道也

九五甘節吉往有尚

象曰甘節之吉居位中也

上六号節贞凶悔亡

象曰号節贞凶其道窮也

節亨者節制度之名節止之義故謂之節也節制要在得宜尊卑有別其道乃通故曰節亨也吾節不可負者為節之道必須當理若過于刻薄傷于物情物所不堪非為節道不可為止故若節不可負也象曰

苦



數

澤上有水節者澤波陷之處也澤之大小各有區別  
今水居澤上隨其大小得宜各有止節故為節象也  
君子以制數度議德行者數謂禮數等差也度謂上  
下優劣也議人德行輕重得宜皆是即制度數之義  
所以周禮五等諸侯所受錫命皆有度數是也初九  
不出戶庭元咎者節者制度之義今初九處節之初  
即是初制法度宜其慎密不令泄露若教令未宣而  
乃泄露即人心多險姦詐生焉若慎密不失施制合

宜應時元偽乃得元咎知通塞矣九二不出門庭凶  
者初為制度之始法制未成固宜慎密今至九二是  
法制已成而猶溺之失時之中乃乖于理失時之極  
所以致凶故曰不出門庭凶也六三不節若則嗟若  
元咎者處節之時固宜各得其序不相乖越今六三  
以陰居陽以柔乘剛以為驕僭而不為節禍將及身  
以至哀嗟故曰不節若也禍自己招非人所無无所  
怨咎于人故曰元咎六四安節亨者以柔得位承順



于君是得節之道但稱安行此節而不改變則何往  
不通故曰安節亨也九五甘節吉往有尚者不苦而  
美謂之甘也九五為節之主履正居中節以制度不  
傷財不害民為節而无傷即是不苦而甘所以甘吉  
矣為節不傷苦而能甘以此而往人所嘉尚故曰往  
有尚也上六苦節貞凶悔亡者居節之極是過節之  
中傷于為正物所不堪正之凶矣故曰苦節貞凶若  
以施人則是正道凶者以苦節于身修己自厲則可

以悔亡矣

三三  
兌下  
巽上

中孚豚魚吉利涉大川利貞

彖曰中孚柔在内而剛得中說而巽亨乃化邦也豚魚  
吉信及豚魚也利涉大川乘木舟虛也中孚以利貞乃  
應乎天也

象曰澤上有風中孚君子以議獄緩死  
初九虞吉有他不燕



象曰初九虞吉志未變也

九二鳴鶴在陰其子和之我有好爵吾與爾靡之

象曰其子和之中心願也

六三得敵或鼓或罷或泣或歌

象曰或鼓或罷位不當也

六四月幾望馬匹之元咎

象曰馬匹之絕類上也

九五有孚攣如元咎

象曰有孚攣如位正當也

上九翰音登于天貞凶

象曰翰音登于天何可長也 案是卦口訣義今缺佚

三三 艮下震上

小過亨利貞可小事不可大事飛鳥遺之音不宜上宜

下大吉

象曰小過小者過而亨也過以利貞其時行也柔得中

是以小事吉也剛失位而不中是以不可大事也有飛



唐書卷一百一十五

鳥之象為飛鳥遺之音不宜上宜下大吉上逆而下順也

象曰山上有雷小過君子以行過乎恭喪過乎哀用過

乎儉

初六飛鳥以凶

象曰飛鳥以凶不可如何也

六二過其祖遇其妣不及其君遇其无咎

象曰不及其君臣不可過也

其下脱  
臣字

九三弗過防之從或戕之凶

象曰從或戕之凶如何也

九四无咎弗過遇之往厲必戒勿用永貞

象曰弗過遇之位不當也往厲必戒終不可長也

小過亨利貞者小過者過于小事故謂小過也以小

事而濟用物乃可通故曰亨也順時矯俗利在歸正

故曰利貞也可小事不可大事者世既小通即可正

以小事不可正以大事也飛鳥遺之音不宜上宜下

周易小過卦



大吉者鳥之所栖止于林澤飛而向上則入杳冥羽  
翮摧頽遺其音響哀以思處願求所安故不止則愈  
困下則栖于林藪故曰不宜上宜下大吉也此論上  
柔剛逆也下承陽順也故君子為過矯之行上則逆  
鱗下則執柔守順故以飛鳥上下而取義焉象曰山  
上有雷小過者雷本出震于地上今既出至小上過  
其本處故曰小過也君子以行過乎恭喪過乎哀用  
過乎儉者小過之世戒其所過小人居之則慢易奢

借故君子為過矯之行過乎恭敬喪孝之禮過乎哀  
感費用之宜過乎儉約之謂也初六飛鳥以出者小  
過之義上逆下順初應在四若往就四則是進于逆  
也同于飛鳥上而无所稽足所以致凶六二過其祖  
過其妣不及其君過其臣无咎者過而得之謂其過  
也六二居初之上而居中位是過于初而過六二也  
祖始也謂初也妣者母之稱也六二居中履正故謂  
之妣美已過初過二位過母之處內故曰過其祖過



其妣而得位處中不至于僭終守臣位安可有咎故  
曰不及其君遇其臣无咎也九三弗過防之從或戕  
之凶者小過之世大者不能立德故今小者僭過驕  
慢陵上也九三以陽當位又處下卦之上固合防過  
小人不合奢僭而九三更應上六與小人同情及為  
小人所害也故曰弗過防之從或戕之凶也戕者殺  
害之義也九四无咎弗過過之往厲必戒勿用永貞  
者君小過之世小人有過差之行須大德之人防閑

過絕不令過差今九四雖復陽爻而不居位故其所  
過咎責不在已故得无咎九四所以得免咎者以其  
失位在上卦之下不為過厚之行故得遇其无咎之  
宜故曰无咎弗過過之也既无防止過制之能自守  
其位則免咎而已若有所往則致為厲故曰往厲也  
不交于物、亦不親既无人相親是无援助欲有所  
往必致危厲无所告救故必自戒慎以全其身故曰  
必戒也既不能裁制小人亦不可任用以其如此故



不足長行其正故曰勿用永貞也六五密雲不雨自  
我西郊公弋取彼在穴者小過者小過于大也陰居  
陽位是小者過于大陰之盛矣陰止于上陽氣不通  
雖復至盛密雲止在西郊而不能降其雨以人事明  
之是陰柔之主以處尊位未能施其風教恩惠及下  
故曰密雲不雨自我西郊也公者臣之極貴也五極  
陰盛故稱公也小過之時身過猶小是不能大作猶  
為隱伏以小德之才治小過之失能獲在穴隱伏之

物又如公之弋獵而獲隱伏之獸故曰公弋取彼在  
穴也上六弗遇過之飛鳥離之凶是謂災眚者處于  
小過之極是小人過甚不知限際遂至穴極過至穴  
无所復遇故曰弗遇過之也以小人之行不守限量  
過而不已遂遭害網亦如飛鳥飛而不已无所栖託  
必罹罾繳所以凶矣故曰飛鳥離之凶過于亢極以  
罹其凶是謂不慎其身災眚斯及復何恨哉故曰是  
謂災眚王注過至于亢將何所過飛而不已將何所



託也

三三 離下 坎上

既濟亨小利貞初吉終亂

象曰既濟亨小者亨也利貞剛柔正而位當也初吉柔得中也終止則亂其道窮也

象曰水在火上既濟君子以思患而豫防之

初九曳其輪濡其尾无咎

象曰曳其輪義无咎也

六二婦喪其茀勿逐七日得

象曰七日得以中道也

九三高宗伐鬼方三年克之小人勿用

象曰三年克之憊也

六四繻有衣袽終日戒

象曰終日戒者所疑也

九五東隣殺牛不如西隣之禴祭寔受其福

象曰東鄰殺牛不如西鄰之時也寔受其福吉大來也



上六濡其首屬

象曰濡其首屬何可久也

既濟亨小利貞者既盡也濟渡也剛柔得正上下相應故曰既濟也萬物盡皆濟渡若小者不通則無盡濟之理今小者猶尚亨通則柔大之物自然獲濟故曰亨小也物既盡濟非正不可故曰利貞初吉終亂者此設戒之辭當既濟之時若能戒慎謙守不為驕恣則既濟無窮安有危亂及已若其不能居安慮危

慮

慎終如始則既濟其極危亂至矣故王傳云終亂不為自亂由止故亂是也象曰水在火上既濟者孔義云水在火上炊爨之象飲食以之而成性命以之而濟故是既濟象也君子以思患豫防之者虞既濟之時奉事合宜恐情所欲固當恭儉保守存不忘亡思慮後患豫為防慎故書云制治于未亂保邦于未危是也初九曳其輪濡其尾无咎昔初九處既濟之初是始濟渡也始濟險難未至乾燥之地猶拖曳其輪



逃

濡濕其尾言其苦方始獲濟其于義理安有咎哉  
故曰无咎也六二婦喪其茀勿逐七日得者茀者婦  
人之首飾也六二居中履正而應于五雖與初三相  
迫情不相得遂被初三相奪以人事相之其猶貞潔  
之婦容儀光麗夫暫不在遂被他人侵陵頭上花飾  
強為竊奪故曰婦喪其茀稱婦者明已自有夫而被  
見侵當既濟之時法令明峻不容邪道婦既執貞如  
此衆尚節志皆願助之假使逆羸勢不能久不過七

日必見執獲故曰勿逐七日得也九三高宗伐鬼方  
三年克之小人勿用者處既濟之時居文明之末將  
入陰難是居衰末而能濟其猶殷王高宗諒陰三年  
盛德中兵克伐鬼方以其盛德始兵不能即勝故三  
年已後乃始克勝故曰三年克之也高宗者武丁之  
號殷之賢王抵濟衰世能伐遠方若小人居之心致  
危乱不可任用故曰小人勿用也六四繻有衣袽終  
日戒者繻宜曰濡是濡濕之義初者衣敝爛者可以



塞漏舟也六四處得其位而與三五相近情不相得  
常慮危患及身如舟之穿漏而能得濟波者必須有  
敝爛之衣塞之免為濡溺方遂獲濟故曰濡有衣袽  
也鄰不親而得全者須防戒得免故曰終日戒也九  
五東隣殺牛不如西鄰之禴祭寔受其福者牛祭之  
盛也禴是殷時春祭之名四時最薄之祭也九五處  
既濟之時得居尊位天下盡皆獲濟亦何所管為喻  
天下太平不勞思慮其所務者莫過祭祀祭祀之本

莫過修德今九五履正處中修德如此但可禴祭省  
薄精誠致敬合時之宜則神明降福假使東隣殺牛  
豐厚之盛神靈不饗不如西隣薄祭吉福大矣此類  
藝可薦之義故推德是馨矣上六濡其首厲者處既  
濟之極物極則及遂至于未濟者則首先犯焉若既  
濟之時守謙保位無為無事安能有咎今既進而  
已遂遇危難故濡其首也既被濡首將陷于難危莫  
甚焉故曰濡其首厲也



三三 坎下 離上

未濟亨小狐汔濟濡其尾无攸利

彖曰未濟亨柔得中也小狐汔濟未出中也濡其尾无

攸利不續終也雖不當位剛柔應也

象曰火在水上未濟君子以慎辨物居方

初六濡其尾吝

象曰濡其尾亦不知極也

九二曳其輪貞吉

象曰九二貞吉中以行正也

六三未濟征凶利涉大川

象曰未濟征凶位不當也

九四貞吉悔亡震用伐鬼方三年有賞于大國

象曰貞吉悔亡志行也

六五貞吉无悔君子之光有孚吉

象曰君子之光其暉吉也

上九有孚于飲酒无咎濡其首有孚失是



象曰飲酒濡首亦不知節也

未濟亨者未濟是未能濟渡之名喻人德薄居位才  
德劣小不能拔濟危難必須任之于賢季之於德則  
有可濟之理故曰未濟亨也小狐汔濟濡其尾无攸  
利者汔將盡之名其猶小才之人不能濟拔險難譬  
之小狐渡水智力羸劣必須待水乾淺方可涉川未  
及于岸力已疲德遂濡濕其尾幾至沒溺豈有利焉  
故曰濡其尾无攸利也象曰火在水上未濟者夫火

火

火之用相合而成即能濟人之性命今火居其上而  
上炎水流于下而下注火水各抗為能烹飪故為未  
濟也君子以慎辨物居方者君子見未濟之患以謹  
慎為用故分辨事物各安其居也初六濡其尾吝者  
初六處未濟之初最居險下而欲彊進求濟其如力  
薄何所以進未達岸濡濕其尾故曰濡其尾也然體  
雖陰柔不為剛狼之性而乃猶不思反以斯而往頑  
亦是矣故曰吝也九二曳其輪貞吉者九二以剛居

狼



中而應于五為君委任即是救難之人然二難處險  
中不為難之所溺故經給屯蹇任重憂深所以屯  
其輪以申險故曰屯其輪也故難消危莫過于正  
故曰貞吉也六三未濟征凶利涉大川者六三處未  
濟之時以陰柔之質失位不正安能自濟若征而求  
濟必致凶危故曰未濟征凶也然九二剛陽為君委  
任即是能救難之人六三若能委質親二即不慮沒  
溺自然獲濟故曰利涉大川也九四貞吉悔亡震用

伐鬼方三年有賞于大國者九四復失其位所以有  
悔然出險難之外居文明之初接近于君志行其正  
所以獲吉憂悔乃亡故曰貞吉悔亡也為君所任正  
志既行靡有禁其威者震發威怒以伐遠方故曰震  
用伐鬼方伐鬼方者興衰之征也每至興衰取義焉  
四處文明之初其德未盛不能即服故曰三年也五  
處中位體包明德既居尊位不奪物功九四既有功  
勞而乃以百里之國賞之謂封以茅土故曰有賞于



大國也六五貞吉无悔君子之光有孚吉者以柔居  
尊所以有悔然以文明之質為未濟之主故必貞正  
所以獲吉憂悔乃亡故曰貞吉无悔也以文明之質  
居于尊位不自任察而委于二是使武以文御剛以  
柔故有君子之光耀也委其權于有能之人而心不  
疑則人皆竭其誠信功勞克濟故曰有孚吉也上九  
有孚于飲酒无咎濡其首有孚失是者處未濟之極  
即人于既濟既得濟矣任人又當心即无疑信任得

憂

人自取逸樂飲酒而已不慮危咎故曰有孚于飲酒  
无咎也飲酒不節樂過淫荒所以濡首之難還復及  
之故曰濡其首也所以濡首之難及之者良由信任  
于人不要禍患失于所是故曰有孚失是

享和元年孟秋初六日山田直温猪飼邦昌全校

周易口訣義卷六

周易口訣義卷六



皇和癸亥



皇和癸亥



